**Zeitschrift:** Il glogn : calender dil pievel : annalas per historia, litteratura e cultura

romontscha

**Band:** 26 (1952)

Artikel: [Poesias]

Autor: Vial, Gion / Cadruvi, Donat

**DOI:** https://doi.org/10.5169/seals-881402

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

#### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

**Download PDF:** 18.11.2025

ETH-Bibliothek Zürich, E-Periodica, https://www.e-periodica.ch

## Terra maledicta

«La tiara seigi smaledida e porti mo sulet punschuns. E fom tschaghegi ord l'umbriva fagend egliuns ord tuts cantuns.»

\* \*

E sur la sava Adam mava cul tgau a mun, fitgond el tratsch l'egliada; Eva sia cara bargend, pegliond ad el pil bratsch.

\* \*

Pertut befrogna liunguriala, atras cagliom, ord ils spinatschs. «Cheu essan nus en pintg'uriala dus stuorns e fomentai pupratschs.»

\* \*

Cheu aulz'il det aunc ina gada il Segner Bab, e dat sinzur: «En vossa veta desperada jeu dun a vus oz la lavur.

\* \*

Luvrei la tiara smaledida e vus anfleis en la lavur, la tiara seigi benedida e biala aunc en dolur.»

\*

Gion Vial

# Bab nos

Tiu Vierv ha fatg e lu Tes mauns Gl'emprem la casa gronda Cun tetg arviult per tuts carstgauns, E tuts han giu vivonda.

> Ti has scaffiu, Ti buntadeivel Bab!

La Crusch amiez han Tes affons Alzau enpei cun gretta. Per els, per tuts, has Ti lu spons Sisum il Cuolm la veta.

> Ti has pitiu, Ti buntadeivel Bab!

Si leu ha Tiu perdun aviert La bratscha che envida Puspei Pilatus, igl entiert, Ed in gediu che spida.

> Ti has unfriu, Ti buntadeivel Bab!

Ils pievels vegnan mintgaton Duront la notg e miran, Aunc méts, e vargan tonaton E tuornan ed endiran.

> E vargan Tei, Ti buntadeivel Bab!

> > Donat Cadruvi